



25
APPEL À PROJETS CULTURE
CONVOCATÒRIA CULTURA



APÈL A PROJÈCTES CULTURA
Euroregion Pirenèus-Mediterranèa

REGLAMENT

SOMARI

| | |
|---|-----------|
| ▶ 1. INTRODUCCION-CONTÈXTE | <u>3</u> |
| ▶ 2. OBJECTIUS | <u>3</u> |
| ▶ 3. CALENDARI | <u>4</u> |
| ▶ 4. DOTACION FINANCIÈRA | <u>4</u> |
| ▶ 5. DURADA | <u>5</u> |
| ▶ 6. CRITÈRIS D'ADMISSION DE LAS PROPOSICIONS | <u>5</u> |
| ▶ 7. CRITÈRIS D'ELIGIBILITAT | <u>5</u> |
| ▶ 8. CRITÈRIS DE SELECCION | <u>6</u> |
| ▶ 9. ENGATJAMENT JURIDIC | <u>7</u> |
| ▶ 10. PROCEDIMENT DE SELECCION | <u>9</u> |
| ▶ 11. NOTIFICACION | <u>9</u> |
| ▶ 12. DISPOSICIONS FINANCIÈRAS | <u>10</u> |
| ▶ 13. PROTECCION DE LAS DONADAS | <u>11</u> |
| ▶ 14. PROCEDIMENT DE LIURASON DE LAS PROPOSICIONS | <u>12</u> |



1. INTRODUCCION-CONTÈXTE

L'Euroregion Pirenèus-Mediterranèa AECT (Euroregion) vòl metre en valor la diversitat culturala, lingüística e patrimoniala de son territòri. L'Euroregion es un espaci de referéncia al nivèl europèu e mediterranèu en matèria de cooperacion dins lo domeni cultural notadament dins lo sosten al desenvolopament e a la creacion artistica jos totas sas fòrmas, e dins la valorizacion de totes sos patrimònis.

Aqueste apèl^[1] es enquadrat dins la [Fuèlha de rota 2030 de l'Euroregion](#), per tal de bastir un avenidor resilient d'aquí a 2030. Prevei la promocion de la diversitat culturala dins l'Euroregion ; una cultura obèrta sul bacin mediterranèu, e solidari amb d'autres territòris.

Aquesta accion de l'Euroregion es finançada exclusivament per la Direccion de las Relacions europèas e internacionals de la Region Occitània, lo Departament de la Cultura de la Generalitat de Catalonha e lo Departament del Torisme, de la Cultura e dels Espòrts del Govèrn de las Illas Balearas.

L'apèl, gerit per l'Euroregion, es obèrt als projèctes de cooperacion culturala de dimension euroregionala. L'apèl se fa en una sola fasa.

2. OBJECTIUS

Aqueste apèl a per mira de sosténer de projèctes que se desenvolopen sul territòri de l'Euroregion e que s'inscriban dins l'encastre dels objectius e prioritats de la fuèlha de rota 2030 de l'Euroregion qu'envisatja de promòure la diversitat culturala e lingüística euroregionala e l'accès a la cultura universala. Per aquesta rason, l'Euroregion vòl :

- Sosténer los actors culturals e las industrias creativas euroregionalas ;
- Estimular la creacion artistica e culturala ;
- Sosténer totas las fòrmas de cultura, tant coma las manifestacions del patrimòni euroregional material e immaterial ;
- Estimular la cooperacion culturala entre los territòris de l'Euroregion ;
- Contribuir a l'internacionalizacion del teissut cultural de l'Euroregion.

L'Euroregion, dins aqueste apèl cultura 2025, dona prioritat als projèctes que desenvolopen un dels axes tematics següents e que presenten las caracteristicas següentas :

[1] La publicacion d'aqueste apèl se fa en conformitat amb lo Reglament europèu n° 2019-2017. 651/2014 del 17 de junh de 2014, notadament l'article 53, relatiu a las ajudas a la cultura e a la conservacion del patrimòni, e l'article 54, relatiu a la produccion, la pre-produccion e la distribucion d'òbras audiovisualas.

- Transicion de la cultura cap al monde numeric / digitalizacion ;
- Utilizacion de la cultura coma espleit d'inclusion sociala ;
- Inclusion de las valors dels Objectius de Desvolopament Duradís (ODD) e del Pacte Verd Europèu ;
- Practica e escambis entre joves professionals a l'entorn de las lengas e culturas euroregionalas ;
- Activitats qu'an per objectiu lo desvolopament del public jove ;
- Promocion de l'egalitat de genre e de la diversitat afectiva, sexuala e de genre (LGBTI+) dins lo domeni cultural.

3. CALENDARI

| | Etapas | Data, ora e periòde indicatiu |
|-----------|--|--------------------------------------|
| a) | Publicacion de l'apèl | 2 de junh de 2025 |
| b) | Barradura de l'apèl | 3 de setembre de 2025 a 17h |
| c) | Periòde contradictòri | 9-18 de setembre de 2025 a 17h |
| d) | Periòde d'avaloracion | Setembre – novembre de 2025 |
| e) | Validacion en Amassada Generala e notificacion als candidats | Genièr de 2026 |
| f) | Mandadís e signatura de la convencion | A partir del 1èr de febrìer de 2026 |
| g) | Data de debuta de las accions | A partir del 1èr de febrìer de 2026 |
| h) | Reünion de presentacion dels projèctes retenguts | Març – abril de 2026 |

4. DOTACION FINANCIÈRA

Aqueste apèl a projèctes es dotat d'una envelopa budgetària globala de l'Euroregion alogada al cofinançament dels projèctes retenguts de 120 000 euros.

Sus proposicion de la Comission Cultura e decision de l'Amassada Generala, l'Euroregion se resèrva lo dreit d'utilizar e de repartir aquesta dotacion financièra en totalitat o en part.

La contribucion financièra de l'Euroregion se materializa per una subvencion. Aquesta subvencion en favor del beneficiari pòrra pas excedir 60% del còst total del projècte presentat dins lo plan de finançament de la demanda complèta.

Lo montant maximum de la subvencion acordada per l'Euroregion pòt pas excedir 20 000 euros per projècte retengut.

5. DURADA

Los projèctes euroregionals auràn una durada minimala de 12 meses e una durada maximala de 24 meses.

La durada maximala dels projèctes pòt pas excedir 24 meses (del 1^{er} de febrèr de 2026 al 1^{er} de febrèr de 2028). Dit d'un autre biais, i aurà pas cap possibilitat de prolongacion pels projèctes al delà d'una durada maximala de 24 meses.

6. CRITÈRIS D'ADMISSION DE LAS PROPOSICIONS

Per èsser admissiblas, las candidaturas devon :

- Èsser mandadas al mai tard a la data limita indicada al punt 3.
- Èsser presentadas sus la platafòrma seguenta :
<http://euroregio-epm.wiin.io/fr/applications/apc25>.
- Las proposicions devon èsser presentadas dins doas de las lengas de trabalh de l'Euroregion, es a dire en francés o en occitan e en catalan o en espanhòl.

7. CRITÈRIS D'ELIGIBILITAT

▶ 7.1 TERRITÒRIS ELIGIBLES

Son eligiblas las estructuras que lor sèti se tròba en Catalonha, a las Illas Balearas o en Occitània.

Una entitat d'un autre territòri pòt èsser membre associat del projècte, mas beneficiarà de pas cap de finançament de l'Euroregion Pirenèus-Mediterranèa AECT.

Los projèctes devon associar als mens tres entitats, una per territòri sòci (Catalonha, Illas Balearas, Occitània).

▶ 7.2 ACTIVITATS ELIGIBLAS

Los projèctes desenvolopats dins l'encastre d'aqueste apèl fan referéncia a d'activitats de creacion, de produccion, d'exposicion, de mediacion, de difusion, de valorizacion e de promocion del patrimòni, de numerizacion, tant coma als escambis culturals o a tota altra expression creativa. Tanben, totas las tascas ligadas a las activitats, coma la formacion e la gestion qu'i son inerentas, son egalament eligiblas.

Tota disciplina e expression artistica dins lo domeni dels sectors culturals e artistic : arquitectura, archius, bibliotècas, musèus, mestièrs d'art, audiovisual, patrimòni cultural material e immaterial, design, festenals, musica, literatura, lengas euroregionals, arts de l'espectacle, edicion, ràdio, arts visualas, etc.

Las activitats eligiblas se devon debanar sul territòri de l'Euroregion.

► 7.3 BENEFICIARIS-CANDIDATS ELIGIBLES

En conformitat amb lo precedent article 7.1 relatiu a l'eligitat dels territòris, los beneficiaris, candidats eligibles a aqueste apèl a projèctes son :

- D'entitats juridicas privadas sens tòca lucrativa ;
- De personas morales de dreit privat amb tòca lucrativa en conformitat amb las disposicions nacionalas e europèas relatives a las ajudas d'Estat ;
- De personas morales de dreit public establidas sul territòri euroregional ;
- Un independent (« autoentrepreneire » en França, o intermitent de l'espectacle).

Lo consòrci del projècte es compausat d'un partenari principal (cap de fila) e de partenaris beneficiaris. Lo portaire de projècte es l'entitat que presenta la demanda, coordina e gerís lo projècte. Lo partenari principal es responsable del dossièr de candidatura e de la bona mesa en òbra tecnica e financièra del projècte davant l'Euroregion. Pasmens, totes los partenaris del projècte devon signar l'acòrd.

Una meteissa entitat se pòt presentar pas qu'un còp coma cap de fila. Podètz pas participar coma cap de fila de dos projèctes.

8. CRITÈRIS DE SELECCION

Los critèris de seleccion avaloran la capacitat del candidat a realizar lo projècte proposat. Sonque las proposicions dels candidats que respondon als critèris de seleccion per l'atribucion d'una eventuala subvencion pòràn èsser retengudas.

► 8.1 CAPACITAT FINANCIÈRA

Lo candidat deu demostrar que dispausa d'una capacitat financièra sufisenta per mantèner son activitat pendent lo periòde d'execucion de l'accion o de l'exercici subvencionat e per participar a son finançament. La capacitat financièra e operacionala del candidat serà avalorada sus la basa d'una declaracion sus l'onor.

Dins lo cas que l'analisi d'una candidatura revèle una capacitat financièra insufisenta o fragila, l'Euroregion se resèrva lo dreit de demandar d'informacions complementàrias al candidat.

Après comunicacion d'elements novèls o de documentacion complementària pel candidat, dins lo cas que l'analisi de la candidatura revèle encara una capacitat insufisenta o fragila, l'Euroregion se resèrva lo dreit de regetar aquela candidatura.

► CRITÈRIS D'AVALORACION

La seleccion dels projèctes es establida per una grasilha d'avaloracion que compòrta un total de 70 punts. Tota candidatura qu'a una nòta inferiora a 45 punts sus 70, o tota nòta inferiora al sulhet de punts requisit per un dels critèris d'avaloracion, serà considerada coma eliminada.

Los critèris d'avaloracion son :

- 1 **Interès cultural e artistic del projècte** (30 punts / sulhet minimum de 18 punts) : seràn avaloradas la capacitat a identificar un besonh o un potencial cultural que justifique lo projècte ; la pertinéncia dins lo contèxte cultural e territorial actual ; lo caractèr innovador ; la qualitat artistica ; l'adequacion de l'estructuracion de la còla artistica e tecnica al projècte (nombre de personas ligadas al projècte) ; l'experiéncia dins d'òbras anterioras dins lo meteis domeni, e la reconeissença artistica seriosa e apertenéncia a de malhums professionals. Serà avalorada tanben la coeréncia amb los objectius e los axes tematics de l'apèl a projèctes.

- 2 Impacte territorial, difusion e comunicacion** (20 punts / sulhet minimum de 12 punts) : lo gra de descentralizacion territoriala del projècte, lo plan de comunicacion e la capacitat a crear una comunautat ligada al projècte e a establir una estrategia d'audiéncia seràn avalorats. Serà analizada tanben la capacitat del projècte a aténher los publics, a garantir la visibilitat e l'accessibilitat.
- 3 Qualitat del plan d'accion e collaboracion** (15 punts / sulhet minimum de 7 punts) : la coeréncia serà presada dins la relacion entre los objectius del projècte, las accions especificas e lor justificacion. La reparticion de las taschas entre los partenaris e lor capacitat de mesa en òbra. Tot parièr, las perspectives futuras del projècte seràn tanben avaloradas. Aqueste critèri avalora l'estructura del consòrci, la clartat dels ròtles, la capacitat de coordinacion e la volontat de collaboracion a long tèrme.
- 4 Pertinéncia del budgèt previsional** (5 punts / pas de sulhet minimum) : la precision serà avalorada (un plan financièr corrèctament completat, equilibrat e precís) ; la transparéncia (la correspondéncia del budgèt global previst per rapòrt al plan d'accion) ; l'equilibri (una reparticion equilibrada entre los socis en tèrmes d'execucion del projècte e de coeréncia entre las activitats e las ressorsas de cada partenari), e lo gra de finançament complementari previst a partir de l'ajuda de l'Euroregion, public e privat.

En conformitat amb çò establhit dins l'article 4 d'aqueste apèl e sus la basa de l'anàlisi de las candidaturas presentadas dins aquesta fasa, l'Euroregion se resèrva lo dreit de seleccionar lo nombre de projèctes que pensa sosténer e de repartir lo budgèt de l'apèl en foncion del plan de finançament presentat dins las candidaturas.

9. ENGATJAMENT JURIDIC

▶ 9.1 CONVENÇION

Cada beneficiari d'una subvencion d'aqueste apèl a projèctes recebrà, per via electronica, una còpia de la convencion que fixarà las condicions de l'Euroregion per lo sosten del projècte e los engatjaments recipròques de totas las parts.

Aquela convencion serà adreçada al cap de fila del projècte e als partenaris per signatura electronica sus la platafòrma electronica Eurosign. L'autoritat territoriala de l'Euroregion, o son representant degudament abilitat, serà la darrièra a signar. Un còp signada per totas las parts, un exemplar en version desmaterializada serà mandada al cap de fila.

Las modificacions eventualas del projècte, se son significativas, devon faire l'objècte d'una validacion per la Comission Cultura. Se s'escai, poirà donar luòc a un apondon a la convencion.

S'existís un descalatge important entre l'engatjament inicial previst dins la convencion e l'execucion del projècte, lo versament de la subvencion serà parcial e un reemborsament poirà èsser demandat se d'òbras sufentas son pas estadas realizadas.

▶ 9.2 SEGUIT DEL PROJÈCTE

Los projèctes retenguts faràn l'objècte d'un seguit regular, establhit segon un calendari previsional validat amb los portaires de projèctes. Aquel seguit prendrà la fòrma d'acamps de coordinacion, de rapòrts intermediaris e d'escambis individuals o collectius amb los beneficiaris.

Lo servici Cultura de l'Euroregion Pirenèus-Mediterranèa assegurarà aqueste seguit en ligam estreit amb los membres de la Comission Cultura, per tal de garantir lo bon debanament del projècte e lo respècte dels engatjaments contractuals.

► 9.3 LIURABLES

Los beneficiaris deuràn transmetre los documents següents :

- Un rapòrt intermediari escrit dins los sièis (6) meses après la debuta del projècte, qu'inclurà l'estat d'avançament tecnic, los indicators realizats e las dificultats eventualas.
- Un rapòrt final complèt (tecnic e financièr) al mai tard dins los sièis (6) meses après la fin del projècte.
- Un rapòrt de comunicacion qu'inclurà d'elements visuals e de difusion produïts dins l'encastre del projècte (imatges, videos, publicacions, supòrts estampats o numerics, campanhas sus las rets socialas, etc.).
- Una sintèsi grand public (max. 1 pagina) presentada dins un lengatge clar e accessible, destinada a èsser publicada sul site internet de l'Euroregion.

Aquestes liurables pòràn faire l'objècte d'una difusion parciala o complèta suls canals de comunicacion de l'Euroregion.

Los beneficiaris s'engatjan tanben a respondre a tot questionari o espleit d'avaloracion transmés per l'Euroregion dins l'encastre del seguit global del programa.

► 9.4 PUBLICITAT E COMUNICACION

Tre la seleccion del projècte, los beneficiaris deuràn integrar un plan de comunicacion estructurat, que precise los objectius, canals, publics ciblas e calendari de las accions previstas.

Totas las accions de comunicacion, de difusion o de publicacion ligadas al projècte deuràn mencionar lo sosten de l'Euroregion Pirenèus-Mediterranèa (Euroregion) e comportar son logo oficial.

Los beneficiaris deuràn tanben identificar l'Euroregion dins tota publicacion sus las rets socialas.

Tota publicacion deu inclure la clausa següenta :

« Aquesta comunicacion es unicament lo rebat del punt de vista de son autor e l'Euroregion pòt pas èsser tenguda responsabla de l'usatge que poirá èsser fait de las informacions que conten. »

La non-conformitat a aquestas obligacions pòràn entraïnar una reduccion parciala de la subvencion acordada.

Consultar lo manual de [comunicacion e brèva presentacion](#).

► 9.5 PUBLICITAT - COMUNICACION PER L'EUROREGION

L'Euroregion se resèrva lo dreit de publicar las informacions següentas a prepaus dels projèctes seleccionats :

- Nom e coordenadas dels beneficiaris ;
- Montant de la subvencion acordada ;
- Descripcion sintetica del projècte ;
- Resultas intermediàrias e finalas ;
- Supòrts visuals e resultas

9.6 DROEITS DE PROPRIETAT

La gestion dels dreits de propietat intel·lectuala e industriala es la responsabilitat exclusiva del cap de fila e de sos partenaris.

Tota utilizacion de las resultas per de fins comercialas o de difusion deurà respectar los engatjaments preses e l'Euroregion ne deurà èsser informada.

10. PROCEDIMENT DE SELECCION

Los dossièrs de candidatura seràn l'objècte d'una instruccion tecnica e seràn avalorats per un comitat de seleccion compausat de membres de la Comission Cultura de l'Euroregion.

Dins l'encastre d'aqueste apèl, la decision d'acordar una subvencion a un beneficiari serà presa per l'Amassada General de l'Euroregion.

L'Euroregion a tota discrecion per alogar tot o part de la dotacion financièra prevista e pòt tanben decidir de la redusir, dins lo cas que las candidaturas respondan pas als objectius de l'apèl.

La Comission Cultura avalora totas las candidaturas e atribúis una nòta a caduna d'entre elas. L'avaloracion de las demandas serà feita en tènèr en compte unicament lo formulari e los documents requisits. Serà basada suls critèris de seleccion establits dins lo paragraf 8.2.

Los candidats qu'auràn obtengut la meteissa nòta globala seràn classats segon la nòta obtenguda al critèri de seleccion 2, la qualitat de la collaboracion, en donar la prioritat als consòrcis nòus. [Lorena ABI]

En foncion de las remarcas e de las avaloracions atribuidas per la Comission Cultura pendent lo procediment de seleccion, d'ajustaments o de reduccions budgetàrias poiràn èsser propausats a las candidaturas retengudas. Se lo projècte es programat, aqueles ajustaments deuràn èsser formalament acceptats pels beneficiaris. En cas de refús de la reduccion budgetària propausada, la candidatura poirà èsser exclusiva de la programacion definitiva.

Dins aqueste cas, e jos resèrva de la disponibilitat budgetària e temporal, poirà èsser envisatjat d'integrar de projèctes que figuren dins la seguida del classament, a condicion qu'aguèsson obtengut un pontuacion minimala de 40 punts al moment de l'avaloracion. Aquesta seleccion complementària se farà dins l'òrdre descreissent de las nòtas e segon las ressorsas disponibles.

11. NOTIFICACION

Lo delai per emetre e notificar la decision es de 6 meses a comptar del darrièr jorn del periòde de candidatura. Quand pas cap de decision expressa es estada notificada dins aqueste delai, las parts concernidas pòdon considerar que lor demanda es estada regetada, per silenci administratiu.

La resolució de la procedura d'atribució de las subvencions serà notificada als dirigents de cada proposició de projecte presentada amb la nota finala obtinguda. Del mateix biais, la lista dels projectes presentats amb la resulta obtinguda serà publicada sul site internet www.euroregio.eu.

12. DISPOSICIONS FINANCIÈRAS

▶ 12.1 CONTRIBUCION FINANCIÈRA

La subvenció serà versada en dos còps :

- Un acompte de 50 % a la demanda del beneficiari cap de fila, après la signatura de la convenció.
- La resta del 50 % a la fin del projecte a la demanda del beneficiari cap de fila.

Los dos versaments seràn fets a la demanda del portaire de projecte, après presentació dels justificatius demandats per l'Euroregion dins la convenció, a cada partneri del projecte. Es a dire que cada partneri recebrà dirèctament la part de la subvenció que li correspond.

Dins lo cas que la sòlda financiera del projecte siague inferiora al budgèt inicialment previst e/o que lo projecte siague pas estat realizat coma descrit, lo finançament serà calculat proporcionalment al montant de las despesas realament justificadas.

▶ 12.2 DESPENSAS ADMISSIBLAS

Las despesas eligiblas del projecte son las despesas planificadas e executadas pels beneficiaris. Devon respondre als criteris següents :

- Èsser executadas pel beneficiari ;
- Realizadas pendent lo periòde de mesa en òbra e d'eligibilitat del projecte ;
- Lo periòde d'eligibilitat dels còstes començarà a la data mencionada dins la convenció, siá a comptar de la data de debuta del projecte ;
- Executadas dins l'encastre de l'accion descrita e son necessàrias a sa mesa en òbra ;
- Deu èsser possible de las identificar, de las verificar e sustot devon èsser inscrites dins los comptes del beneficiari. Las despesas seràn determinadas en conformitat amb las nòrmas comptablas aplicablas dins lo país ont es basat lo beneficiari, e tanben amb las practicas abitualas del beneficiari en matèria de comptabilitat analitica ;
- Devon èsser rasonablas, justificadas e respectar lo principi de bona gestion financiera, notadament en matèria d'eficacitat economica.

Las despesas eligiblas pòdon èsser dirèctas o indirèctas.

▶ 12.2.1 DESPENSAS DIRÈCTAS ELIGIBLAS

Los còstes dirèctes eligibles son los còstes que, en respondre a las condicions d'eligibilitat mencionadas abans, pòdon èsser identificats coma de còstes especifics dirèctament ligats a la mesa en òbra de l'accion e pòdon èsser l'objècte d'una imputacion dirècta, coma :

- 1 Despesas de personal (part dels salaris del personal / òbras ligadas al projècte).
- 2 Despesas de viatge e de sejour (transpòrt, albergament, subsistència).
- 3 Despesas d'externalizacion (despesas extèrnes – estampatges, traduccions, prestacions de comunicacion extèrna...)
- 4 Autras despesas dirèctas (aprestaire de manjar, transpòrt de personas exterioras als organismes sòcis, locacions...)
- 5 Despesas de pichòt material : compra de material (aparelhs electronics, cameras, programas de design...)

▶ 12.2.2 DESPENSAS INDIRÈCTAS ADMISSIBLAS

Las despesas indirèctas son de còstes que son pas dirèctament ligats a l'execucion de l'accion e que pòdon pas èsser dirèctament imputats.

Per exemple, los còstes indirèctes son : las despesas ligadas als espacis de trabalh (loguier, electricitat, aiga, recapte, etc.) e las autras despesas de burèu (connexion telefonica, internet, fotocòpias, amortiment del material, etc.).

Las despesas indirèctas eligiblas devon èsser declaradas sus la basa d'un taus prètzfaitièr de 7% del total dels còstes dirèctes eligibles.

▶ 12.3 BUDGÈT EQUILIBRAT

Los candidats se devon assegurar que las ressorsas necessàrias a la realizacion del projècte provenon pas entièrament de la subvencion EPM.

Lo cofinançament de l'accion pòt prene la fòrma seguenta :

- Ressorsas pròpias del beneficiari
- Revenguts generats pel projècte (inferiors als còstes de foncionament)
- Contribucions financièras de tèrces.

13. PROTECCION DE LAS DONADAS

Respondre a un apèl implica l'enregistrament e lo tractament de donadas personalas coma lo nom, l'adreça, etc. Aquestas donadas seràn tractadas en conformitat amb lo reglament n° 2016/679, dit Reglament General sus la Proteccion de las Donadas (RGPD). Afortís e unifica la proteccion de las donadas de las personas fisicas dins l'Union europèa (UE) 2018/1725 del Parlament europèu e del Conselh relatiu a la proteccion de las personas fisicas a l'esgard del tractament de las donadas a caractèr personal per las institucions, organes e organismes de l'Union e a la liura circulacion d'aquestas donadas. Aquestas donadas seràn exclusivament per l'usatge intèrn de l'Euroregion.

14. PROCEDIMENT DE LIURASON DE LAS PROPOSICIONS

▶ 14.1 FORMULARI DE DEMANDA

Documents de provesir dins 1 lenga (version francesa / catalana / occitana / espanhòla)[1]:

- 1 Letra d'engatjament del cap de fila.
- 2 Letra d'engatjament dels partenaris que menciona la designacion del cap de fila, l'engatjament dins lo projècte e l'implicacion financièra.
- 3 Estatuts de l'estructura cap de fila e de cadun dels partenaris.
- 4 Verbal de la darrièra amassada generala de cadun dels partenaris.
- 5 Document qu'atèsta de la capacitat juridica del signatari de la convencion (poder, verbal, letra de mission, etc.)
- 6 Còpia de la pèça d'identitat en cors de validitat del signatari abilitat.
- 7 Declaracion sus l'onor
- 8 Relevat d'identitat bancària original emanant de la banca, que menciona :
 - Nom complèt del sòci (que deu èsser lo meteis qu'aquel que figura dins los estatuts).
 - Nom e adreça de la banca.
 - Numèro de compte amb IBAN e SWIFT.

▶ 14.2 PERIÒDE DE MODIFICACIONS

Las demandas de lançament de las proceduras administrativas compòrtan una seria de donadas e de documents minimalis e necessaris per poder començar lo tractament que correspond. Se la demanda d'aviada respond pas a aquelas exigéncias minimalas, l'Euroregion demandarà a l'interessat de las provesir, en li donar un delai per procedir a aquesta modificacion.

S'aqueste delai expira e que las donadas o documents necessaris son pas provesits, lo tractament de la procedura començarà pas. Una decision serà presa dins la que l'interessat serà reputat s'èsser retirat, puèi que la demanda de debuta es incomplèta e pòt pas èsser tractada per l'organisme competent.

▶ 14.3 PRESENTACION DELS DOSSIÈRS

Las proposicions devon èsser presentadas dins los delais establits a la seccion 3.

Los candidats seràn informats per corrièr electronic de las resultas del procediment de seleccion.

- Presentacion de proposicions

Lo formulari de demanda de subvencion se fa per una platafòrma en linha e es disponible a l'adreça seguenta :

<http://euroregio-epm.wiin.io/fr/applications/apc25>

[1] En conformitat amb lo reglament europèu n°. 1407/2013, als candidats qu'exerisson una activitat comerciala, l'Euroregion se resèrva lo dreit de demandar de documents suplementaris.

Los projectes devon èsser presentats en conformitat amb las formalitats e dins los delais previstes al punt 3, degudament completats, datats e signats per las personas abilitadas a s'engatjar juridicament envèrs los beneficiaris.

- Data limita de presentacion de las candidaturas :

La data limita de presentacion de las proposicions es lo 3 de setembre de 2025 a 17h00.

- Contacte

Per tota informacion complementària :

Lorena Abelenda Castro

Cargada de projectes Cultura

courrier@euroregio-epm.eu

+33 (0)4 48 22 22 34

+33 (0)6 30 99 50 77

<http://www.euroregio.eu/>

Adreça :

El Centre del Món

35, boulevard Sant Assiscle

CS 7004

66011 Perpinhan Cedex

França



EUROREGIO*

Pirineus Mediterrània
Pyrénées Méditerranée
Pirenèus Mediterranèa
Pirineos Mediterráneo

apc 25
APPEL À PROJETS CULTURE
CONVOCATÒRIA CULTURA

